


مرکز توزیعی:
باب عالی جاده‌سند
(اتحاد تجارت)
کتابخانه‌سی ایله
(یکی تووکیه)
مطبعه‌سی



اداره‌خانه‌سی:
باب عالیده
(یکی تووکیه)
مطبعه‌سی فوقنده‌کی
داثره مخصوصه

علمی، ادبی، اجتماعی و شهری مجموعه در .

صاحبی، مدیری، محرری: طاهر المولوی

استراشراطی: هرسته‌نك برنجی وایکچی آلتی آیلغندن اعتباراً
آبونه قید اولونور. سته‌لیکی اون‌ایکی نسخه
اولق اوزره پوسته اجریتله برابر (۱۰۰)، آلتی آیلغی (۵۰)
غروشدرد. ممالک اجنبیه ایچین ۵۰ و ۳۰ غروش علاوه‌سی لازمدر.

مخبرشراطی: ملتک نفعته خادم یازیلر مع‌التشکر قبول ونشر
اولونور. یازانک شخصی‌دکل، یازانک مادیقی
نظردقته آلتینیر. کونده‌ریله‌جک آناو اوقوناقلی و مختصرجه یازیلش اولالیدور.
کنن یازیلردن شایان قبول کووولنلر تارخ صیراسیله دو ج ایدیلیلر.

ک چکن سنه‌لره عائد و پک چوق معلومات مفیده‌بی حاوی اولان نسخه‌لری منتظماً دیکلیمش
واوزه‌درلینه قالین برز قاپاق کچیریلدرک مجلد کتاب حالته کتیریلشدر. خیرالانینس اولایله‌جک
بو نفیس کتابلردن برنجیسنک موجودی بیتمش، ۸-۱۲ نجی نسخه‌لری پراکنده اولارق
قالمشدر. بئر نسخه‌سی ۱۰ غروشدرد. ۲، ۳، ۴ وه نجی جلدلرک بدلی پوسته اجریتله برابر یوزر غروشدرد. طوغروشدرد
طوغرویه اداره‌خانه‌یه داخلدن ۳۰۰، خارجدن ۳۵۰ غروش کونده‌ریلیدیکی صورتده هر درت جلدی یوللانیر.

محمّدی القعده

دیزکین کلیوردی . سرجیلر ، ضابطک تهدیدینی بکله مکسزین داغیلدیلر . باشلیجه مسئول عدایدیلر برهن ایله ایکی کنج قادین توقیف ایدیلدی . بالاخره خبر آلام که برنجیسی شایان حرمت بر مسلکه منسوب اولقله برابر دورت سنه حبسه محکوم ایدیلش ، «اتحاره قصدی» جرمندن دولای حقهده قضیات قانونیهده بولونولش اولان قادینده سننک کوچوک اولماسنه بناء برأت ایتشدی (انکلز - هند قوانینده اتحار جرم عدایدیلر) .

سعدی

پارسلده بر طاووقچلیق سرکیسنی زیارت

کچن نسخه دن مابعد

ایکی آياقلىردن صوگرا دورت آياقلى کومس حیواناتی باشلايور: طاوشانلر . بزده غریب براعتقاد وارد . چوقلری طاوشان ییز . سوزده اوغورسز ایش . کیمسهده سببى بیلمز . چونکه کیمه صوردمسه کافی جواب ویرهدهدی . آکلاشیلان جلب ویا قصاب اصنافی طرفندن اویدوزولش بر افسانه .. طاوشان کبی جابوق اورهین بر حیوانی اولرده بسله مک کارلینه کساد قاتمق دیمکدر . مصرده علما وکبرایه وارینجهیه قدر هرکس طاوشان یر . اوسته سنک آلنده پیشرسه لذتنه دویولیور . طاوشانک نه ایچون مقبول صایلمادیغنی بیلن وارسه عصریلک نامنه رجا ایدیورم بکاده بیلدیرین ، متشکر و منتدار قالاجم .

غربلیلر طاوشانی ، آتی ، تویی ودهریسی ایچون ویا آت - دهری ویا آت - تویی ایچون بسله مکدهدر تویی ایچون بسله نن جنس آنقره طاوشانی تسمیه ایدیلیور . آوروپانک آنقره طاوشانلری تویی اصلاح ایدیلش وبوسایهده یوک کبی اورولمکده ، یوانمقده وهایت نارین ونازنین تنلری ایصیتقمدهدر .

دهریسی ایچون بسله نن طاوشانلر ، دهریلرینک اک ای زماننده اولدیریلهرک اُتلیری بازاره ، دهریلریده کورکچییه کوندهریلمکدهدر . طاوشان دهریلری فقیر فقرانک کورکی اولویور . برچوق یرلرده تعم ایتمکدهدر . صولک زمانلرده فرانسه حکومتی طاوشان دهریلرینک اخراجنی بیه منع ایتشد . دهریسی وائی ایچون بسله نن طاوشانلر ایچنده اک بیوکلی (ژه آن دوفلاندر) و (ژه آن نورمان) در . سرکیده ۹ کیلو ۷۰۰ غرام کلن طاوشانلر واردی .

جاهیر متحده آمریکا ، قانادا و انکلتردهده ، طاووقچلیق معین بر مسلک حالنی آلدقن صکره بلچیکا و فرانسهیه کچمش ، بو مملکتلرده صرف طاووقچلیق ایله اشتغال ایدن برچوق مؤسسهلر وشرکتلر وجوده کلشدر . طاووقچلیق ایچون اورتیه قونان سرمایه میلیونلرجه لیرایه بالغ اولویور . کرک ، رسمی ، کرک خصوصی مکتبلرده تعم ایتمکدهدر . قادینلرک مکتبلرده و طاووقچلیق مؤسسهلرنده ارککلردن زیاده موفق اولدقلری هرکسجه قبول ایدیلش بر حقیقت ایش . بوکاده شاشاماملیدر . زیرا طاووقلردن اک زیاده خوشلانا جق بشری طاووقلردر . طاووقچلیق فی اودرجه ترقی ایتشدرکه بوکون آمریقالیلرک اله ایتدیکی نتایج بزم ایچون برخیال تشکیل ایدیور . بلچیکا اولجه یومورطه ادخال ایدر وپاراسنی خارجه ویررکن شیمدی طاووقچیلغه ویردیکی اهمیت سایه سنده یومورطه اخراج ایدوب خارجک پاراسنی آلمقده ایش ..

طاووقلر ، یتشدریلهرلندن کوزه تیلن غایهیه کوره ایکییه آیریلشدر : ۱ - آتی ایچون ۲ - یومورطه سی ایچون . برنجی قسمده کیلرده یومورطه نک چوق اولماسندن زیاده اتک لذتلی اولماسی ، پیلچلرینک برقاچ آیده یومورطه سی و آلدیغنی غدایه کوره سمیزلنمسی نظر دقه آلیور . ایکنجیلرده آرانیلان یکانه مزیت

نقل واسطه لر مذك بوكونكي درجه سيله اوزاق
مسافه لری قالدیراماز . حالبوکه يومورطه ایچون
بویله دکلدر .

بوسر کیده آریحیلق و بالقجیلق مشهری ده
واردر . آریحیلق شعبه سنده هر جنس قووان
مقطعلری موجود . بعضیلرینک ایچنده آرلر
ویزیدلر . آریحیلقده مستعمل بر چوق آلات
وادوات ، بالی پتکدن چیقاران ماکنه لر ، سوزولش
ویا پتک حالنده باللر ، بالدن یاییلمش عقیده لر ،
قارامه لر ، بیسکویتلر ، اکمکر صاتیلمقده ایدی .
بالقجیلق شعبه سنده بیکلرجه بالی ، کنیش
قابلر ایچنده صاغه صوله دونوپورلردی . یوزده
طقسانی طاتلی صو بالی فرانسه ده بالی
یتشدیرمکه مشغول بر چوق کیمسه لر واردر .
رشید مظهر

یکی کتابلر :

تحفه رمزی

اسکدار مولویخانه سی شیخ فاضلی احمد رمزی
افندی حضرتلرینک منظوم بر اثریدر که مشهور
(تحفه وهی) طرزنده و کوچوک چوقورله فارسی
کلماتی اوکره تمک مقصدیه تحریر اولونمشدر :
ناظم عرفانپور ، مقصد تحریری شو صورتله
آ کلاتیور :

« بر چوق توره لر مذك ده کیشدیکی ، بیلیکی
یوردلر مذك ، اوکره تمک و اوکره تمک بیجیلرینک
یکیلندیکی شو صیراده وزنلی لغت یازمان ، کری به
دونمک صانانلر ، بوش بردوشونجه صایانلر بولوناچقدر .
بن ایسه باشقه تورلو دوشونویورم . [اجداد عظام ،
اسلاف کرام] دیدیکمز بویوک دده لر مز ، اولولر مز ؛
انسانلری پک کوزهل آ کلامش . بر چوق جوغی
بیلیکی ، اوصلو بر آدام ایتک ایچین نه کرکلی ایسه

فضله يومورطایچی اولماسیدر . بو خصوصده
اودرجه ایلری کیدلشدیرکه سنه ده ۳۲۰ ، حتی
۳۴۰ يومورطه يومورطایان طاووقلر ایدیلشدیر .
بونلره يومورطه ماکنه سی نامنی ویریورلر . بویله
مشهور طاووقلر کیمک ائنده ایسه اوندی قالیور .
ساده يومورطه لری آغیرقلری بهاسنه ، ده طاووق
قارندن فیرلامدن ، حتی یم حالنده قورصاغنیه
دوشمده دن آیلرجه اول صاتیلمقده در . بویله مشهور
طاووقلردن یوز ائکلیر لیراسنه قدریات بولشی وار .
طاووقلر ایچنده اک زیاده يومورطایان ،
آمریقایلرک یتشدیردیکی (لغورن) جنسیدر .
بوجنسی تعقیباده بر چوقلری صیره لانیور . يومورطه
الده ایتک ایچون (هند قوشوجیسی) تسمیه اولونان
ومارطی بی آ کدیران برجنس اوردکده قوللانیلیور .
صرف آتی ایچون بسله نن ؛ بناء علیه پک آز
يومورطایان ایله صرف يومورطه سی ایچون بسله نن ،
بناء علیه آتی یمکلکدن چیقان طاووقلرک آراستنده
برچشید دها وجوده کتیریمک اوزره در : آتی لذیذ
ونفیس اولقله برابر اولدجه بول . يومورطایان
طاووقلر . فرانسزلر بویولی طوتمقده درلر .
هر کسجه معلومدرکه فرانسز طاووق جنسلری
اکثریتله نفاستلریله مشهوردر . شیمدی بونفاسته
خلل کلکسزین يومورطه عددینی چوغالتمقده درلر .
بوخصوصده طاووقجیلق تجربه مرکز لرینک چوق
تأثیری اولمقده در . بوجنس طاووقلر فرانسز
چفتجیلرینه موافق کلکده در . فکریمه فالیرسه بزم
طاووقجیلقده فرانسزلرک طوتدینی بولی طوتمانز
لازمدر . صرف يومورطایچی طاووقلرله اشتغال
فضله اختصاص ایشیدر . هر کسک بو اختصاصی الیه
ایده بیلمه سی ممکن اولاماز . دیگر طرفدن نقلیات
واسطه لرینک مفقودی طاووقلرک پیاسه کتیریله سنه
بویوک ائکلدر . طاووق ، نه جانلی ، نه جانسز اولاراق